



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 29. Nestorii Sermones ultimi.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

re licet, Nestorium hanc epistolam mi-
fisse unacum illa Imperatoris, qua Con-
cilium œcumenicum convocabatur.

Sæculum V.
A. C. 430.

§. XXIX.

Nestorii Sermones ultimi.

Interim, cum quatuor Episcopi, a Conci-
lio Alexandrino Legati, Constantino-
polim pervenissent, die Dominica in Eccle-
siam Cathedralē se contulerunt, tempo-
re, quo officium celebrabatur, toto Cle-
ro, & ferme omnibus, qui illustrissimi di-
cebantur, præsentibus. Hæc Dominica
erat dies trigesima Novembris ejusdem
anni 430. Nestorio epistolas S. Cyrilli, *Conc. Ephes.*
& S. Cœlestini tradiderunt; accepit ipse, *Act. x. p. 503.*
dicens, sequenti die in domum suam ad
se venirent; ipsis vero venientibus clau-
sas fores objecit, nec ullum dedit respon-
sum. Elapsis diebus sex, octavo Idus *ap. Merent;*
Dec. id est, sexta hujus mensis, quæ erat *Garn. Serm.*
dies Sabbati, Nestorius in Ecclesia Sermo-
nem pronuntiavit, qui Doctrinæ ejus *12. v. not.*
compendium dici possit. In S. Cyrillum *Baluz. pag.*
vehementissime invehitur, quem non *422.*
nominat, sed voce Ægyptii satis designat.
Ipsam ad certamen provocat, & incusat,
quod se sagittis aureis impetat; vult di-
cere, quod pecunia accusatores coemat;
sed hujus ipsius criminis Nestorius argue-
batur, memorat inimicitias inter Episco-
pos Alexandria, & Antiochenos, jam a *Libell. Basil.*
Hist. Eccles. Tom. VI. F *2. 4.*
supe-

Sæculum V. superioribus annis gliscentes, nempe contra Meletium, & Flavianum, & contra S. Chrysoptomum, ex eadem Ecclesia assumptum, ut fidem adstrueret, præsentem contentionem ex invidia duarum istarum Cathedrarum ortum trahere. Conqueritur, in iudicium se vocari, ob unam voculam: *Theotocos*. Quam concedere se simulat, sed additis malignis explicationibus. Negat se docere errores Pauli Samosatani, & Photini, quos refert, & sollicitè distinguit. Tandem, vocem *Chrystococos* adhibendam, suadet, tanquam unicum tollendis erroribus remedium.

Alterum quoque sermonem dixit se *ap. Merc. Serm. 13.* quenti die, quæ erat Dominica, ubi clare eloquitur, Virginem esse Matrem Dei, & Matrem Hominis, at semper periculosum esse asserit, uti voce: *Theotocos*. His sermonibus satisfactum putabat duorum Conciliorum, Romani, & Alexandrini epistolis, quas Legati Ægyptii haud dubie in lucem ediderant. Cum vero nullo scripto magis premeretur Nestorius, quam duodecim S. Cyrilli anathematismis, ea, editis sua ex parte aliis duodecim anathematismis, oppugnare aggressus est.

Liberat. brevic. c. 4. Joannem Antiochenum quoque, accepto ultimæ epistolæ S. Cyrilli ad Nestorium exemplo, ejus duodecim Anathemata offenderunt; nam credebat, eum, cum

cum se voluisset opponere Nestorio, in alterum extremum incidisse, & in errorem Appollinaris lapsus. Igitur duobus suæ Provinciæ Episcopis, qui cæteris doctiores habebantur, Andreæ Samosateno, & Theodoretu Cyrensi mandavit, ut editis libris responderent. Hi morem gesserunt; Andreas librum scripsit nomine Orientalium, qui illum in quodam Concilio approbaverunt. Theodoretus scripto suum Nomen præfixit, quod acerbior calamo, quam Andreas, composuerat; id prius in Phœniciam, vicinasque Regiones vulgatum, Constantinopolim misit, unde illud Evoptius Episcopus Ptolemaide in Pentapoli S. Cyrillo submitit. Andreas, & Theodoretus ambo ante Concilium Ephesinum scripserunt.

§. XXX.

Theodoreti initia.

Theodoretus, in hac Controversia celeberrimus, natus erat Antiochiæ circa annum 387. nobilibus, opulentis, & piis Parentibus. Mater ejus devotissima, postquam annos tredecim in sterili vixisset conjugio, hunc filium per preces, celeberrimi Solitarii, Macedonii Critophagi obtinuit. Inde nomen ei Theodoretus, id est, a Deo datus, impositum. Sæpe infanti S. Petrus ex Galatia, & S. Aphraates Benedictionem impertiti sunt,

F 2

eumque

Sæculum V.
A.C. 430.*Cyrrill. præf.*
to. 4. p. 766.*Theod. Philoth. c. 3.*